

La Mùjiga de Badia invièia duc dèr bel al **Conzert** d'aisciöda „Mùjiga de Badia incunta La Spona“, en colaboraziun cun i assistis dl salf protezioné da Pidrô, en domènia ai 6 de ma dales 17:00 tl salf dles manifestaziuns J.B. Runcher a San Linert/Badia.

La biblioteca Sas dla Crusc invièia duc i interessá a Badia:” *Amisc dla letôra s'incunta – te sal bel da lí ? I s'la cuntun di libri che i un lit*“ en jöbia ai 3 de ma dales 20:00.

Jun a pe cun le KVV: inviun duc en mercui, ai 2 de ma da gní a fá le “*Schmetterlingsweg*“ da St. Sigmund a Hofern. Piun ia dales 08:00 da Pedraces y prenotesse pro Iaco al nr. 0471/839772.

Info dal Comun: “Movimënt por jënt atempada” vigni mercui dales 10 ales 11.30 tl Seniorenpark a La Ila. Al mèt man en mercui ai 2 de ma. Por prenoté le pulmino che vègn a se tó a ciasa cherdede un di acompagnadus: Carlo Huber 340 722 7949, Pire Frenademez 389 973 5692 o Ubi Valentini 338 346 2087. Duc i atri dis él le Seniorenpark a despoziziun por fá movimënt nia acompagné.


Incuntada grup “Atmosfera” en jöbia ai 3 de ma dales 15:30 tla sènta dl Raiun Sozial Val Badia a Picolin. Modelun l'arjila cun Irina Tavella y Barbara Rungger. Informaziuns pro Sabine Rainer tel. 0474/524519.

Concurs publich por ejams por 1 post de **infermiera profesionala VII**. cualifica reservé al grup ladin te Ciasa de Palsa a S. Martin. I formulars mëss gní dá jö te Ciasa de Palsa a S. Martin cina ai 01.06.2018 dales 12.00. Informaziuns dal ofize dla Ciasa de Palsa al nr. 0474 524 786.

La Uniun dles Patrones dl Comun da S. Martin envièia a n referat y a na baratada de ciüf, pelzes y soménzes ai 07 de ma dales 20.00 tl salf di studafüch a S. Martin cun Hildegard Kreizer.

Curs: “*Social media marketing – por progredis*“ cun Alessia Sorá en jöbia, ai 3 de ma dales 20:00 te scora mesana a La Ila. Le Consèi de Formaziun de Badia envièia duc i interessá.

„Lichterherz“ – Gedenkfeier für Kinder, die vor oder kurz nach der Geburt verstorben sind, am Samstag, 05. Mai um 15:00 in der Kapuzinerkirche in Bozen.



Plata dla Ploania

Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „B“ 29.04. - 06.05.2018 5° Domènia de Pasca n. 22



Wir leben nicht
aus uns,
sondern aus IHM.
Wir leben nicht
für uns, sondern
füreinander.

Vangele dla proscima Domènia - 6° de Pasca dl Ann „B“

Jan 15, 09-17

Te chël tèmp á Gejú dit a sù discepu: Sciöche le Pere m'á orü bun, insciö ves ai ince iö orü bun. Romagnede te mi amur! Sc'i osservëis mi comandamënc, romagnëise te mi amur, sciöche iö á osservé i comandamënc de mi Pere y romagni te so amur. Chësc ves ai dit, por che mia ligrëza sides te os y por che osta ligrëza devëntes plëna.

Chësc é mi comandamënt: Oresse bun un al ater sciöche iö ves á orü bun. Al n'é nia n maiü amur co sce un dá ca süa vita por sù amisc. Os sëis mi amisc, sc'i fajëis ci ch'i ves dá sö. I ne ves diji nia plü fanc, deache le fant ne sa nia ci che le patron fej. I ves á dit amisc, ciodich'i ves á comuniché döt, ci ch'ia aldí dal Pere. Nia os ne m'ëis chirí fora, mo iö ves á chirí fora y ves á destiné ch'i jëise y portëise früt y che osc früt romagnes. Spo ves dará le Pere döt do ci ch'i le periëis te mi inom. Chësc ves comani: Oresse bun un al ater!

FUNZIUNS SACRES

29.04. 5^a DOMÈNIA de PASCA

- 09.30 *Corona por la defunta Anna Nagler*
10.00 **Mëssa por la Comunità**
por perié do vocaziuns
por les animes dl purgatore
18.00 †ta Dora Boschetti - aniversar
†to Pire Valentini
†ta Kathi Canins
por fam. Matthias y Sabine Alfarei

01.05. Mertesc – S. Ujöp Laurant

- 08.00** †ta Maria Piccolruaz - aniversar
†ti Maria y Felice Flatscher
por fam. Iaco y Giuvana Clement
19.30 *Devoziun de ma (arjignada ca dala uniun dles ëles)*

02.05. Mercui

- 07.30 †ta Rita Alfarei
†to siur Heinrich Videsott / vis y †ti de Monica Saning

03.05. Jöbia – Mëssa cun i studënc en preparaziun ala festa dl Spirit Sant

- 19.30 †ti de Sogherdëna
†ta Veneranda Ferdigg
†ti Albino y Paolina Piccolruaz

04.05. Vëndres – Prüm vëndres dl mëis

- 07.30 †ta Anna Nagler - otavare
por fam. Pizzinini de Costa / en ringraziamënt

05.05. Sabeda

- 16.00 Mëssa a Oies
19.30 *Devoziun de ma (arjignada ca dala uniun di ëi)*

06.05. 6^a DOMÈNIA de PASCA

S. Florian / Patron di Stüdafüch


- 10.00 Mëssa por i Stüdafüch cun benedisciun de auti y motors
por aumënt dla fede en onur de S. Padre Pio y S. Maria
a d'intenziun
15.00 Zelebrazion dl Bato
18.00 †to Elias Dal Bosco
†to Bruno Valentin
†ti dl Ustí

Dala VITA dla CÜRA



Mëis de S. Maria: cun en mertesc mët man les
“Devoziuns de Ma” che sará spo vigni lünesc y sabeda
dales 19:30. Inviun düc a tó pert.

Comuniun ai amará: siur Degan jará a proveder en jöbia ai 3 y en
vëndres ai 4 de ma dales 09:30 inant.



Chësta domënia, ai 29 de aurí ciafa a La Ila le
Sacramënt dl **BATO** le müt **Emanuel** de Philipp
Lerchegger y Susan Valentin. Al pice che tolun sö te
nosta comunité y a sü geniturs les mius audanzas.



La proscima **Preparaziun al Bato** sará en sabeda, ai 5
de ma dales 15:00 a La Plí te salf dles uniuns. Geniturs
che á n pice müt da batié, toc y totes é inviá a tó pert y
a se prenoté al nr. 328 0717796.



Düta la comunité tól pert al dolur di familiars dla
defunta Nane Nagler che ai 25.04.2018 tl'eté de 90
agn é gnüda cherdada dal Signur te so rëgn. Che ala
palses tla pesc eterna.

Leturs: gnide präibel te sacrestia o te calonia a tó la plata nöia por i
proscimi mëisc.



En vëndres, ai 04.05.2018 complësc **Tarina**
Anvidalfarei Bertoldi da S. Linert **89** agn. Le
Senioreclub y düta la Comunité ti aoda düc le bun,
sanité y benedisciun de Dî.